

Ո Ր Ո Շ ՈՒ Մ

Վարչական բողոքը մասնակի բավարարելու, Ճանապարհային ոստիկանության վարչական տույժ նշանակելու մասին 31.03.2020թ. թիվ 2011010482 որոշումը բեկանելու, իսկ 31.03.2020թ. թիվ 2011010491 որոշումն անփոփոխ թողնելու մասին

<<13>> 05 2020թ. 7-13- 5451

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արտակ Փայտյանի ՄԴ/19510-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Դավթաշեն վարչական շրջանի Դավթաշեն 4-րդ թաղամասի 34-րդ շենքի 66-րդ բնակարանի բնակիչ Արտակ Փայտյանը դիմումով խնդրել է բեկանել Ճանապարհային ոստիկանության վարչական տույժ նշանակելու մասին թիվ 2011010482 և 2011010491 որոշումներից մեկը նշելով, որ նույն իրավախախտման համար կայացվել են երկու տարբեր որոշումներ:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման՝ հետևյալ պատճառաբանությամբ.

Ճանապարհային ոստիկանության թիվ 2011010482 և 2011010491 որոշումների հիմքերում դրված տեսանյութերը փաստում են, որ դիմումատուն ենթարկվել է վարչական պատասխանատվության Երևան քաղաքի Դեղատան փողոցը մուտք գործելու համար, որը կահավորված է <<Մուտք արգելվում է>> ճանապարհային նշանով: Ինչը արձանագրվել է վերը նշված փողոցների խաչմերուկի տեսախցիկով 12.03.2020թ-ին ժամը՝ 12:22-ին և ժամը՝ 12:21-ին, որի համար կայացվել են թիվ թիվ 2011010482 և 2011010491 որոշումները:

Ակնհայտ է, որ նույն վայրում՝ միևնույն իրավախախտման համար, կայացվել է երկու տարբեր որոշումներ:

Նկատի ունենալով, որ նշված վայրում <<Մուտք արգելվում է>> ճանապարհային նշանով կահավորված փողոցը մուտք գործելու համար դիմումատուն Ճանապարհային ոստիկանության թիվ 2011010491 որոշմամբ արդեն իսկ ենթարկվել է վարչական պատասխանատվության և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի, 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 31.03.2020թ. թիվ 2011010482 որոշումը բեկանել և վարչական իրավախախտման վերաբերյալ գործի վարույթը կարճել:
2. Ճանապարհային ոստիկանության վարչական տույժ նշանակելու մասին 31.03.2020թ. թիվ 2011010491 որոշումը թողնել անփոփոխ, իսկ վարչական բողոքը՝ դրան վերաբերող մասով, առանց բավարարման:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Արտակ Փայտյանին:



Ե.Կարապետյան